

2

Convocatorias

Plan
Anual
de Formación
do Profesorado

2011

2012



2.1 LICENZAS POR ESTUDOS

A Lei orgánica 2/2006, do 3 de maio, de Educación, no artigo 105, dispón que a administración educativa convocará o desenvolvemento de licenzas retribuídas coa finalidade de estimular a realización de actividades de formación e de investigación e innovación educativas que revertan en beneficio directo do propio sistema educativo. En consecuencia, ofértase esta modalidade formativa de longa duración para favorecer que o profesorado reforce, complete ou actualice a súa formación inicial ampliando a formación na súa especialidade, potenciando a súa formación nas linguas estranxeiras no exterior, realizando proxectos de investigación, elaborando materiais didácticos, e mesmo acadando unha nova titulación.

A convocatoria para o curso académico 2011-2012 está regulada pola Orde do 18 de maio de 2011 (DOG do 3 de xuño de 2011) onde se especifican os requisitos que deberán reunir os candidatos, así como as modalidades ofertadas, a documentación requirida e o proceso selectivo.

Ademais das licenzas non retribuídas, a oferta é de 344 licenzas retribuídas divididas en 3 modalidades, cunha duración trimesral ou bimensual segundo a modalidade. Cabe salientar que os docentes que gozaran dunha licenza retribuída hai como mínimo oito anos poderán volver a solicitala.

Teléfono de contacto: 981546510.

2.2 REINTEGROS INDIVIDUAIS

Cos reintegros individuais preténdese apoiar e axudar o profesorado para facilitarlle a realización de actividades de formación libremente elixidas por el.

A convocatoria do ano 2011 foi publicada no DOG do 20 de maio de 2011, Orde do 29 de abril de 2011. Os módulos máximos que recolle a convocatoria son os que se especifican deseguido:

Tipo	Importe
Comunidade galega	250 €
Resto do territorio nacional	400 €
No estranxeiro	800 €

Poderá solicitar estas axudas o profesorado de niveis non universitarios con destino en centros docentes públicos dependentes da Consellería de Educación e Ordenación Universitaria, en equipos de orientación específica, os profesores e profesoras adscritos ás estruturas de formación do profesorado, así como os membros da inspección educativa dependentes desta comunidade autónoma e sempre que para a asistencia á mesma actividade non perciban axudas de ningún tipo e que non recibisen reintegros individuais nas dúas últimas convocatorias (anos 2009 e 2010).

Os reintegros concederanse para actividades de formación directamente relacionadas coa disciplina, área, ciclo ou especialidade que imparta a persoa solicitante.

Teléfono de contacto: 981546510.

2.3

PROGRAMA PALE E OUTRAS ACTIVIDADES

Convócanse para o ano 2011 e por décimo cuarto ano consecutivo actividades de formación do profesorado no estranxeiro e en España especialmente deseñadas para todo o profesorado. Cabe destacar que nesta edición se conxugan nunha única convocatoria o programa PALE e as actividades formativas no estranxeiro.

Estas actividades responden á prioridade da Consellería de Educación e Ordenación Universitaria de mellorar a competencia lingüística e comunicativa dos seus docentes, así como a súa actualización metodolóxica e didáctica no ensino das linguas estranxeiras.

A convocatoria destas actividades publicouse no DOG do 5 de abril e nela fíxanse as condicións de participación e de concesión. A información para a tramitación das solicitudes e sobre o proceso de selección está dispoñible no portal da Consellería de Educación e Ordenación Universitaria, no enderezo web: www.edu.xunta.es/pale.

As actividades realizaranse no verán do 2011, agás aquelas de integración, que se desenvolverán no primeiro trimestre do curso 2011-2012.

PALE

1.1. PALE. Inglés en infantil	15	Reino Unido (3 semanas)
1.2. PALE. Inglés en primaria	15	Reino Unido (3 semanas)
1.3. PALE. Inglés para profesorado CLIL de secundaria/FP	45	Canadá ou Estados Unidos (3 semanas)
1.4. PALE. Francés para profesorado CLIL de secundaria/FP	10	Francia (3 semanas)
1.5. PALE. Inglés para profesorado CLIL de primaria	10	Reino Unido (3 semanas)
2.1. PALE. Integración para profesorado de inglés de secundaria	10	Canadá (4 semanas)
2.2. PALE. Integración inglés para profesorado CLIL de secundaria	25	Canadá (4 semanas)
2.3. PALE. Integración inglés para profesorado CLIL de primaria	15	Canadá (4 semanas)

OUTRAS ACTIVIDADES FORMATIVAS

3.1. Inglés oral para profesorado especialista	30	España (1 semana)
3.2. Francés para profesorado especialista	10	Francia (2 semanas)
3.3. Inglés para profesorado non especialista	140	España (1 semana)
3.4. Francés para profesorado non especialista	30	Francia (2 semanas)
3.5. Lingua portuguesa	10	Portugal (2 semanas)
3.6. Lingua alemá	5	Alemaña (2 semanas)

Teléfono de contacto: 981 957 538/ 981 546 544/ 881 997 497.

Enderezo email: formaes@edu.xunta.es

2.4**CALIDADE E MELLORA DOS RESULTADOS EDUCATIVOS****Plans de autoavaliación e mellora da calidade da educación**

A convocatoria ten como finalidade fomentar prácticas da autoavaliación dos centros educativos de titularidade da Consellería de Educación e Ordenación Universitaria e o establecemento de plans de actuación propios xestionados de maneira autónoma. Para iso, os centros realizan unha avaliación interna sobre o grao de desenvolvemento das competencias básicas descritas no currículo, e

propoñen un plan de actuación consecuente coa avaliación realizada para tratar de optimizar ou mellorar as áreas de traballo seleccionadas.

Estes plans contan cos seguintes apoios: dotación orzamentaria, asesoramento por parte dos CFR, seguimento por parte da inspección educativa e certificación para os participantes e a persoa coordinadora.

A convocatoria deste ano régúlase pola Orde do 13 de maio de 2011 (DOG do 27) pola que se convoca a selección de plans de autoavaliación e mellora da calidade da educación en centros educativos para o curso 2011-2012.

2.5

BIBLIOTECAS ESCOLARES

Plan de mellora de bibliotecas escolares

O obxectivo do programa é a implantación dun modelo de biblioteca escolar concibida como centro de recursos de lectura, información e aprendizaxe, cunha xestión centralizada dos seus fondos para un mellor aproveitamento destes; unha biblioteca que facilite o uso de fontes documentais diversas para o tratamento dos contidos curriculares, integre plenamente as TIC, participe activamente no deseño e práctica do proxecto lector de centro e favoreza o seu uso por parte de toda a comunidade educativa. As actividades de fomento da lectura e de educación en información deben constituír a base da dinamización da biblioteca.

Mediante convocatoria anual selecciónanse proxectos de mellora da biblioteca escolar que inciden nos aspectos sinalados e que contan co compromiso e a aprobación da comunidade escolar, co fin de garantir unha resposta axeitada ás súas necesidades en materia de información e lectura, así como a estabilidade das iniciativas que se programan. Os centros que se inclúen neste programa reciben contías destinadas á renovación da colección, do equipamento audiovisual e do mobiliario. Dende a primeira convocatoria, correspondente ao curso 2005/2006, fóronse integrando centros de distintos niveis educativos, de xeito que na actualidade este programa inclúe un total de 374 centros, presentándose un total de 449 para o curso 2011-2012. Convocatoria no Diario Oficial de Galicia.